

Anwar Ibrahim masih ingat lirik lagu UMNO

KUALA LUMPUR: Datuk Seri Anwar Ibrahim yang menghadiri Perhimpunan Agung UMNO 2023 semalam mengakui masih ingat dan hafal lagu *Bersatu, Bersetia, Berkhidmat* iaitu lagu parti itu yang beliau pernah terajui sebelum disingkirkan pada 1998.

Menurut Perdana Menteri, beliau menganggap kehadiran nya ke perhimpunan itu menunaikan tanggungjawabnya terhadap kerajaan perpaduan.

“Saya rasa selesa dan biasa dengan suasana itu dan termasuk menyanyikan lagu itu. Ya, saya masih ingat lirik lagu UMNO.

“Yang penting adalah menyempurnakan tugas kepada negara. Pengalaman peribadi itu penting tetapi dia tidak boleh mengatasi kepentingan rakyat dan kerajaan.

“Saya hadir semula kerana saya menggunakan platform perpaduan ini untuk memperkukuh kerajaan dan memberi manfaat kepada rakyat,” katanya ketika ditemui di Dewan Merdeka, Pusat Dagangan Dunia (WTC) di sini hari ini.

Anwar meninggalkan bangunan UMNO pada pukul 12 tengah hari untuk makan tengah hari di Ampang dan kemudian menunaikan solat Jumaat di Masjid Jamiul-Huda.

Terdahulu, beberapa pemimpin Pakatan Harapan (PH) turut hadir ke persidangan itu bagi memenuhi jemputan UMNO. Antaranya Setiausaha Agung DAP, Anthony Loke; Presiden Parti Amanah Negara (Amanah), Datuk Seri Mohammad Sabu dan timbalannya, Datuk Seri Salahuddin Ayub.